



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

17. Vitiorum turba plurima nos implicari.

[urn:nbn:de:hbz:466:1-47032](#)

C A P V T XVII.

Vitiorum turba plurima nos implicari.

Es quædam & alia ratio cinatio, quæ me non mediocriter angit, nech' heo
vnde excutiam, vietas trado manus, haereo, impalleo, obmutesco, nec aliud
quam summæ diuinæque clementiae suffugium reperio. *Heu mibi quia incolatus* *Psa. 119.*
meus prolongatus est, habitavi cū habitantibus Cedar, multum incolafuit anima mea! Do-
mine, si sic viciatur, & in talibus vita spiritus mei, corripies me, & vinificabis me: ecce in pa- *Isa. 38.*
ce amaritudo mea amarissima. Libera me, & pone me iuxta te, nec enim aliter pecca-
tum eruetur a me. Ideo quæ tuus ille fidelis & In cælum etiam raptus Apostolus
clamabar, Infelix ego homo, quis me liberabit de corpore mortis huius! tantiq[ue] luctus *Rom. 7.*
causa erat, quod sentiret aliam legem in membris suis, repugnantem legi mentis sua,
et unque captiuantem in lege peccati, at ecce præsidium; gratia Dei per Iesum Christum
Dominum nostrum: quem sciebat aliquando dixisse, Veritas liberabit vos. Filius ma- *Ioan. 8.*
net in aeternum; si ergo vos filius liberauerit, verè liberi eritis. Sed quod tendam accipe.

Si quis ea se corporis habitudine affectum sentiat, ut, quamvis lautos apre-
quæ conditos cibos moderatè ad vietum adhibeat, ubi tamen concoqui cœ-
perint, protinus frequentes amari saporis, & foetidi odoris ruetus assurgat; verè
omnino aperteq[ue] colligit, purulentum & noxiuum aliquid stomacho insidere,
vnde amarorem & fetorem optimi cibi contrahant, quare ad sanitatem necesse
esse, ut noxiu[m] istud virus expurgetur: quod si consequinon possit, nec perfe-
cta sanitatem perfici poterit. Non dissimiliter de mentis nostræ conditione dis-
serendum est. Quare, cum vndiq[ue] in me beneficiorum diuinorū densus imber
depluat, cum quidquid est procreat, ad procreantem inuitet, cum in Reli-
gione quidquid auditur, legitur, videtur, agitur sit sanctum & salutare, ad ater-
na & diuina propellat; ecce tamen, ex animi mei quasi vetero prodeunt, & certa-
tim bullunt, superbiae, luxuria, inuidetia, & pessimarum cogitationum agmina;
neque vero violentè & molestè, & quasi forinsecus intrusæ irrumput, sed
leniter, amicè ac blandè, non sine voluptario sensu, quasi domesticae & innatae,
veluti ad sedem propriam conuolant; nec tantum, sed etiam tam obfirma-
ta frequenter potestate dominantur, ut, quamvis eas censoria ratio conetur ex-
pellere, instent tamen, neque loco cedant, donec mentem letifero suo afflatu
clanculum infecerint, improboque dente vulnerant. Cum igitur non aliunde,
sed a me ipso tot prauos animi morus sentio enasci, foueri, roborari, magna
vtrum mihi ad eos reprimendos sit frequenter vis inferenda: cumq[ue] non duce,
non implacate, quasi alieni, adueniendo perturbent, sed leniter & amicè, quasi
domestici subintrent; ubi tamen, quæ rectiora & perfectiora sunt, magna læpe

H h 2 con-



contentione, vix & aegre aduocantur. Annon vides, ingens hinc mihi creari praeiudicium, aut verissimum potius iudicium, iniquitatis ac peccati in me latere radicem, haustiq;e aliquando veneni succum, in intimas demissum medullas, subsedisse, vigere, eoq;e potentius, quo occultius, vim virtutis elidere, fucata tanquam & simulata me bona ostentare, veris, grauibus & pluribus vitiis abundare? Quid enim? si quae sanctae probetq; cogitationes, si quae per me redde facta sunt: a Deo ista sunt, in Deumque referuntur, quem non est nouum, etiam per improbos probet agere: at arrogantes, iniusti, impatientes, in honesti, impuri, auari, superbi, blasphemati cogitatus, mei, mei planè sunt; egregiam hanc mihi problem, sine inuidia, sine mendacio vendico, & licet in partem aliquando veniat dæmon, neque tamen id perpetuum, & fermè occasione ex me hausta, aliquid audet. Ad initium ergo reuertamur: numquid non a fructibus homo cognoscitur: an non malus homo de malo thesauro profert mala? malos fructus edit arbor mala? & coquinat hominem quae de corde exeunt? nonne ex corde meo praui isti cogitatus agminatim pullulant? quid me igitur aliud censere possum, quam inquinatum, prauam, distortam, tot fructuum pessimorum arborem? hominem cuius ossa impletantur vitiis adolescentie eius, & cum eo in puluere dormient? cuius occultiorum cordis recessum pertinaces malorum reliquiae, viventes & vrgentes obsonder? atque inde iustissimas timendi causas habeo: ne ista ipsa in me virtus dominantur, eoq; penitus infixa sint, quo tanto tempore, tot sanctis propositis, vitaq; in Religione traducta, ex occupatis animi sedibus necdum potuere auelli. Quid dicam, aut quod me vertam? facit hoc ipsum ut pessimus, & qui vulgo putantur sceleratissimis hominibus, me sceleratorem, si non factis, at animo credam.

Job 20.

Cum enim non aliud in ipsis animaduertam, quam id quod perpetrant malum, graue licet, at infrequens & rarus, ac vt plurimum egestatis, cupiditatis, consortiorum vi extortum, in me vero prauorum desideriorum instinctus cerebrimè, & spontè, ac propemodum affectatè vigere sentiam: æquum est ut existimem, aliquos quidem qui vulgo nequiores habentur, tentationum, atque ad praua facinora inuitamentorum quasi torrente violenter abrepros, peccatisque tantum extimè illudentibus, in profundam eam voraginem esse delapsos; cum tamen in intimas animi mei medullas penitissime se malignū iniquitatis virus penetrarit, & in me, quam in illis, longè altiores radices egerit. Hinc est quod tot annis, eam quae iam induruit, prauitatem cordis corrigere non valeo, cum tam illi (quod pluribus accidisse aut vidimus aut legimus) ybi ad se rediuerint, tantos in virtute progressus habere, ita funditus mala omnia eruere soleant, ut nihil eiusdem hominis in eis perseverate videatur. Nempe non dissimiles erant solo, quod stercore & sordibus inspersum horret & fexer, at leui brachio euerteritur, & ad natuum nitorem redit: ego vero sepulcrum sum dealbatum, ossibus & tabo cadauerum intus emarcidum, qui longo situ & simulatione puto-

rem



rem in interiora demittente, neve vaporatione mitescat arcente, rabificos peccatorum humores neque tot gratiarum diuinorum fluuiis eluo, neque temporis diurnitate, vel perpetuatione laboris exhausio: viget malum, ac subinde ita recrudescit, ut me subito tempestas a quarum obruat, affligat & humiliat nimis; cor meum conturbatur, & derelinquit me virtus mea, lumbi mei implentur illusionibus, non est sanitas in carne mea, non est pax ossibus meis a facie peccatorum meorum, putruerunt & corruptae sunt cicatrices meae, miser factus sum & curuatus usque in finem: laborauit ingenitum meo, sed miserere mei Domine, quoniam infirmus sum: conuertere, & eripe animam meam, ne derelinquas me Domine Deus meus, ne discesseris a me. Intende in adiutorium meum Domine Deus salutis meæ.

Sed rei, iam ut opinor, satis probata, finis est imponendus, & quæ diximus abunde sufficiunt: breui summa dicta recolligam, ut isto quasi redintegrato impetu, superbiae nostræ colossus proruatur. Is enim, quantum sentio, neque se cuiquam præferet, atque etiam in postremis locandum crederet, cui probè notum fuerit; nihil se, peccato dumtaxat excepto, posse fauim dicere; nec virtutem, nec rem ullam laude dignam suam esse; si quid sibi boni inesse videatur, id superbia desperdi, id admitti peccatis infici, in multis deficere, valdeque formidandum, ne iudicante Deo virrus nostra reprobetur, aeternisque miseriis addicamus. Tot malis intus mentem depascantibus, quanto dispendio in aliena mala, nostris præteritis, querimus? arqui aliena sola bona videre, nostra sola mala vestigare oportet, quæ tanto plura deprehendemus, quo maiores progressus in virtute faciemus. Alienæ non sentimus, & fermè nemo est qui non eximium aliquod bonū, peritiam, facultatem sit torritus, quæ nos caremus: at si nos attentius introsperxerimus, quam multa, verius dixero, quam omnia nobis desunt: fragiles, labiles, cadui, quoties impulsu ruere proclives, viribus exesi, qui casueros propellar, prestatolamur: & quoties mole nostra premimur, nostro incitatu perimus: quam amara, virulenta, pertinaces, omniuin propemodum vitorum radices, cordis suffocant, adeoque ab extermine absunt, ut vultus aduolent, se non vocatae obuiscant, ei quod rectum est priuati semina inspergant, atque usque adeoque per omnia peruabentur, nihil ut integri, nihil intaminati in homine relinquant. Et quis omnia ditumerare poterit, quæ vel mala inuehant, vel bona proturbant? qui eiusmodi in se nulla sentit, ille securus degat, se magnis adnumeret, parui faciat ceteros, ita si lubet, si nouit, de bonis extollit securum esse. Ego vero qui iniuriantis pondere oppressus gemo, non habeo quod affligam, intus marcello, foris valentes amulor, & me qui cor inquietus iudicabit Deus, ista perpendenti

